



詩之爲教存乎性情苟無得
於斯則其道謂之幾絕可也
皇元近時作者迭起庶幾風
雅之遺無愧騷選然而
朝廷之制作或不盡傳於民
間山林之高風必不俯諧於



流俗以詠歌爲樂者固嘗病其不備見也清江傳說御行四方得時賢詩甚多卷帙繁浩廬陵孫存吾略爲詮次凡數百篇而求予爲之題辭予觀其編以靜脩劉夢吉先生

爲之首自我

朝觀之若劉公之高識遠志人品英邁卓然不可企及冠冕斯文固爲得之前後能賦之賢未易枚舉偶有未及非逸之也若乃僕區區曹鄴之

陋則在所不足錄云至元二
年歲在丙子八月辛巳邵菴
道人虞集伯生題辭



皇元風雅羣英姓氏

○卷之一

伯顏丞相

郝天挺

史紫微

盧疎齋

貫酸齋

許魯齋

張仲疇

李道復

虞伯生

張野夫

元明善

鮮于伯機

趙子昂

程雪樓

閻靜軒

○卷之二

交趾王

徐參政

劉御史

梁宣慰

何理問

張天師

吳宗師

滕玉霄

馮海粟

吳草廬 李伯宗 柳道傳
陳濟淵 馬伯庸 龍麟洲
杜竹處 俞石澗

○卷之三

安竹齋 明普彥 文子方
歐陽圭齋 袁伯長 杜清碧
楊仲弘 李竹所 何吾山
劉時中 吳敬庭 李長源
楊鵬翼 陳自堂

○卷之四

劉須溪 劉立雪 劉養吾
揭曼石 羅澗谷 孫伯善

○卷之五

黃南鄉 湯子文 劉雲山
申屠致遠 趙半閑 羅滄洲
張周卿 周石原 王性存
趙心遠 趙李文 胡尊生
連伯正 宋本 孫用復
黃河清 胡古愚 劉明叟
高若鳳 張叔賜 許獻臣
趙蒙齋 倪中豈 倪若水
范德機 孫存吾 張息堂
甘東溪 薩天錫 林彥稟
李源道 夏果齋 胡斗南

陳中山
梁隆吉
彭容庵

宋梅洞
李古淡
仇仁近

龔子敬
李誠泉
吳漢儀

○卷之六

何願貞

黃子肅

張希孟

趙茂原

楊達可

吳仁傑

鄧或之

陳敬翁

蕭南齊

陸文圭

陳魚村

易炎正

張嗣良

何太虛

陳晉齋

甘虛庭

凌虛谷

高孤雲

應居仁

姓氏畢

皇元風雅卷之一

前集

江梅谷傳習

說脚 采集

儒學學正孫存吾

如山 編類

奎章學士虞集

伯生 校選

○劉靜脩

先生名因字夢吉保定人

裕宗皇帝在青宮聞其賢以贊善大夫召至京師未幾


以親老求歸養居數歲

朝廷尊仰德義拜集賢學士又以疾辭踰年遂不起

年纔四十有五縉紳惜之

黃金臺

燕山不改色易水無新聲誰知數尺臺中有萬古清區
區後世人猶愛黃金名黃金亦何物能為賢重輕德輝



照九仞鳳鳥繼一鳴伊誰腐巢葉坐見飢鳥爭周道日
東漸二老皆西行養民以致賢王業自此成黃金與山
平不救兵縱橫落日下荒臺山水有餘清

程節婦

兵塵浩無際烈士難自全婦人無九首志欲不二天燕
山霍氏女既嫁夫防邊一朝聞死事健婦增慨然生有
如此夫早寡非所憐求尸白刃中負土家山前舉去哀
益深義盡身可捐無兒欲何為所依惟黃泉鄉鄰教引
訣烈日丹衷懸誰辨節孝翁重賦睚陽賢我昨過其鄉
山水猶清妍聞風髮如竹飄蕭動疎煙千年吟詩臺我
我大寧巔為招馮大師和我節婦篇

有大如天地

有大如天地日夜長乾二有小如螻蟻營二誰使然我

亦形蹟中豈得獨安閒萬物相爲用錯綜盈兩間如身
百骸具少一爲不完有形無虛生豈予獨贅備森然氣
分內既有不可鑿螻蛇誰省之生二亦能延安有人墮
尊堦滅獨不傳乾二以爲師餘者一聽天

燕平李仙臺

碣石來海際西南奄全燕中有李仙臺燕平欲昇天燕
平骨已朽遺臺猶相傳雖復生青松歲久摧爲煙極目
望海波不見三山巔三山巨鰲簪山人蟠亟然使無不
足論信有亦可憐大塊如洪鑪金石能久堅天地會有
盡何物爲神仙空山無笙鶴落日下飢鳥今古共一臺
浩歎秋風前

登武陽

朝遊樊子館晚上武陽城潮接滄溟近山從碣石生斷

虹雲淡白返照雨疎明日暮悲吟發樵歌已添清

易臺

望中孤鳥入銷沉雲帶離愁結暮陰萬國河山有燕趙
百年風氣尚遼金物華暗與秋光老杯酒不隨人意深
無限霜松動若壑天教搖落助秋吟

山家

馬蹄踏水亂明霞醉袖迎風受落花怪見溪山出門望
鵲聲先找到山家

○伯顏丞相

度梅關

馬首經從度嶺歸王師到處悉平夷擔頭不帶江南物
只插梅花一两枝

鞭

一節高兮一節低戎臣敲鑿月中歸雖然三尺無鋒刃
百萬雄師屬指揮

○郝天挺

麻姑山

路入尋幽景便嘉石田瑤草帶煙霞注經洞古亡遺檢
養藥炉存失舊砂青鳥空傳王母信綵鸞應到玉皇家
岩扉不掩春長在老却碧桃無數花

○史紫微

江南曲

風淒露冷江南岸瑟二寒波秋練二採蓮歌斷紅雲空
蘋葉芦花結新紅鷺鴦鸕鶿俱可伶相呼相倚沙鷺眠
白頭漁子搖蒼烟一双飛上枯樹顛

荒塚謠

荒岡新龍誰家墳經年无主高草繁土崩棺破燄燈滅
狐狸作巢生子孫牧童燒火山葉赤花磚迸裂松行根
牯牛作群來斫角折碑尽是淡土痕夕陽未下燐火出
陰風刺二雲昏二精靈月下相往來嗚嗚善殺如人言
君不言昨日城中車馬客又來尋地為真宅

○盧疎齋

題太白墓

太雅清風久不聞一盃聊為洗荒墳朱紘三嘆無今古
說与江東日暮雲

婺源縣齋書事

竹樹映清曉坐聞山鳥鳴瓶花香病骨簷雨挾詩聲客
亦非餘子春無負此生明朝予問俗吟罷却須晴

書梓山室經室

問俗來山郭携春到竹溪花香破禪寂林樾受為帶欲
和觀音偈聊乘醉墨題閑雲若留客不肯為余西

題于陵釣臺

雲山蒼二兮煙木稠石灘澗二兮江水流故人兮冕旒
先生兮羊裘使人皆先生兮誰其伊周使人不先生兮
誰其巢由可仕止又速兮舍聖人將焉求清風一絲兮
豈為名釣焦黃荔丹兮香火千秋岸下幾篙兮餘辱之
舟先生一笑兮白雲收

○黃酸齋

白兆山挑花岩

美人一別二千年思美人兮在我前桃花染雨入白兆
信知塵世逃神仙空山亭二伴朝暮老樹悲啼發紅霧
為誰化作神仙區十丈風烟隔淮浦暖翠流香春自活

手撚殘霞皆細末，幾回雲外落清嘯。美人天上騎丹鶴，
神遊八極栖此山。流水杳然心自閑，解劍長歌一壺外。
知有洞府無人間，酒酣仰天呼太白。眼空四海无纖髮，
明月滿山招斷魂。春風何處求顏色。

美人篇

任風彫雪玲瓏温，吳姬剪月織三行。雲補鬢翠光流，
鳳凰叫落空山月。手摘閑愁八字分，青山恨重豈不伸。
肌臆汗肤朱粉勻，背人揮淚粧无痕。霜刀自製石榴裙，
閉門不識諸王孫。綠烟薰煖藍田玉，羅帶隨風換粧束。
飛鳥嗚然過長門，芳菲不忍韶華屋。連環步窄玉佩響，
霓裳袖闊東風長。劍鬆脫瘦竟多情，率指搔天天亦驚。
枕香帳冷蘭灯灺，落花不入芙蓉袋。三山路杳銀河深，
彩鸞高許愁人心。天与美人傾国色，不知更与美人郎。

夢裏梅花夢我身，乃古千年一明月。

君山行

北溟魚背幾千里，負我大夢遊弱水。蓬萊隔眼不盈紫，
碧落香銷吹不起。茜裙女兒懷遠遊，遠人不歸明月羞。
宝釵縮髻翠欲流，風鬟十二照暮秋。女媧鍊石補天手，
手批石開露天醜。瓊樓玉宇亦人間，直指示君二見否。
斯須魚去夢亦还，白雲与我遊君山。

畫龍歌

老墨糊天霹靂死，手擘明珠換胖子。一潜渊澤久不躍，
泥汚風須色深紫。虬髯老子家燕城，怒吹九龍无餘灯。
手提百尺陰山冰，連雲塗作蒼龍形。槎牙爪角隨風上，
逆鱗射月于戈声。人間仰視龍且听，參辰散落天人驚。
瀟湘浮黛娥眉輕，大行不讓蓬萊青。烈風倒卷銀河傾。

珊瑚盞闕樹不平，吸來噴出東風迎。春色万国生龍庭，七年旱絕堯生靈。九年滂漲舜不耕，亦來化作爲霖鴻。爲吾

大元山

觀日行

丁巳春三月余之所謂宝陀山顛有云曰：盤陀可觀之初，疑其大不可量。既歸，宿作方夜半之餘，詩僧普山同賦。

六龍受鞭海水熱，夜半金烏變顏色。天河蘸電斷鰲膊，刁擊珊瑚碎流雪。朔方野客隨雲閑，乘風來遊海上山。飛艤拖空渡香木，地辟中原雜聖几。壯鰲九尺解霜鼓，瘦紋巨大自掀弄。驚看月下墨花鮮，欲作新詩受龍女。人生行此丈夫国，天吳立濤欺地窄。乾坤空際落春帆。

身在東南憶西北

采石歌

采石山頭日顏色，采石山下江流雪。行客不過水无跡，難以斷魂招太白。我亦不留白玉堂，京華酒淺湘雲長。新亭風雨夜來夢，千載相思各斷腸。

別離情

吁別離之苦，分蒼梧之野。春草青黃陵廟前，水生日暮湘君動。輕翠脩竹亭，二染紅淚。又聞垓下虞姬行，十帳初驚楚歌畢。佳人閣淚棄英雄，劍血不銷原草理。何物謂之別離情，肝腸剥剥如銅聲。不如斫其竹，煎其草，免使人生爲情老。

題庐山太平宮

山上清風山下塵，碧沙流水淺如春。不知松外誰敲月。

驚動南華夢裏人

芦花被

僕過梁山泊有漁父以芦花為被僕告其
清欲易之以紬者漁父曰君尚其清願以
詩輸之

採得芦花不洗塵綠莎聊復藉為裯西風刮夢秋
夜月生香雪蒲身毛骨已隨天地老
青綾莫為鴛鴦妬歎乃声中別有春

題陳此山扇五首

秋鳴無數醉素熾却把輕風惹扇羅明月碧澄天似水
此山雲氣動纖波
紅旭如鉛海上來蒼二煙霧小蓬萊東風昨夜醉如酒
吹得桃花滿樹開

翠幙低垂護午陰碧瓶裏面水痕深東風截斷人間熱
勾引清涼養道心

一簾明月倚闌干宇宙尤宜就夜看飛上仙槎河漢近
手招沆瀣海銅盤

功成不用服丹砂笑指雲霞摠是家清曉山中三尺雪
道人神氣似梅花

許魯齋

趙氏南莊

曉起北窓涼清談戢羽觴入簾花氣重落紙燕泥香
裏青山好吟逐白日長秋風載書籍相對築茅堂

和先生姚公

去二迷途莫問津問來還恐不知真因時用舍固有命
與道卷舒还在人百尺竿頭愁據險一壺林下樂為鄰

孰輕孰重何須問夢想故園果在春

贈寧先生行二首

西山二下真幽村水竹隣居擬卜君豈意天書下白屋
便收行李入青雲功名唯自英雄立得失防因去就分
万聖風沙渺南北請歸消息幾時聞
莫謝風沙老不禁斯民久已渴商霖願推往古明公等
用沃吾君濟世心甫治看將交長治呻吟亦復化誣吟
千年際會真難得好要先生著意深

偶成

万物備吾身二貧道未貧觀時見物理主敬得天真心
爽星辰夜情新草木春自憐斷喪後能作太平民

病起

花透香風入短檠草抽新綠倚柴荆正憂多病作身累

且喜幽居見物情花爲可觀遭天折草因元用得欣榮
世間巧拙都相半不許區區智力爭

謝梁安玩惠田

晚來幽興入幽居擬即君侯置一區今德久思親慷慨
佳田今許乞膏腴太行西對千峰玉淇水東窺万斛珠
幸着此身於此老願從樂止五人俱

○張仲疇

送許齋齋歸山

諸君繫二入省關先生何事獨西歸心隨道隱貧非病
老得身閑古亦稀行色一杯燕市酒春風二月楚山薇
到家已及蚕生日布谷催耕隴麥肥

○李道復

偶成

日午山中道停驂進步難
誰侵苔徑滑風入卷袍寒
在國終元補全身尚未安
一樽茅店酒強飲不成歡

喜雨

誰調元氣入淋漓枯槁回生
只片時依舊野雲元着莫
高天瀟灑地任風吹

寄東宮二首

艱苦勤勞從俯仰
周旋小試屠龍技
翻成抱虎眠脫
鉤魚從壑漏網鳥冲天
万事從今始灰心未死前
十年陪顧問一旦決安危
自合成功去應新識事
逢長城徒自壞孤注莫相疑
辟穀求仙者高名百世師

初科知貢奉

百年場屋事初行
一夕文星聚帝京
豹管敢窺天下士
龍顏誰占日邊名
寬容極口論時事
衣被終身荷聖情

願得真儒佐明主
白頭應不負平生

金陵懷古

西風聒耳過黃芳
万水東流草樹枯
蟾窟一年秋色近
鵲橋万里客心孤
青山故國新豐樹
芳草王孫舊酒垆
壯志未磨天地闊
劍光夜二照江湖

○虞伯生

和李平章秋谷小車詩

雪餘官草隱晴沙
相國朝春試帝車
班馬昼移温室樹
鳴禽夜度掖垣花
奉帷每命賢俱載
趣駕頻煩使至家
此日龍門誰執御
擁經正履侍金華

和周待制朝回即事

三十六竿吹鳳凰
九重春色絢天光
卿雲微動旌旗燄
雉露初晞草木香
貝葉神師東渡嶺
金輿御家北浮洋

小臣我在歌功德拜手陳詩對日長

岡子原呈王季士 東

岡子原頭春色濃小車晨出看西風兩餘林潤人鳥語
日愛沙平我馬同西引峯亦來座上東觀樓觀五天中
詠歸空作匆二晚倘解相逢擊壤翁

奎章閣讀進中卷

玉堂策士詔儒臣

御筆親題墨色新省樹坐移簷底日宮壺馳賜致頭春
虞廷制作堯龍盛漢代文章賈董醇書閣暮年偏感遇
但歌天寶播

皇仁

与趙子期移閣雜賦

日出風生太液波登橋影裏彩船過橋頭柳色深如許

伯壽

陳伯壽

奉 園

應是偏承雨露多

兩泥輕塵道未乾朝回隨處借花看墻東千樹垂楊柳

飛絮來時近馬鞍

春雲冉冉度宮城樓雪初融水未生行過御溝成久立

起頭枝上有啼鸞

屏風草坐鬢髭二絳蠟搖光照暮酣京国多在情瓜改

忽听春雨憶江南

待漏官門听鑰開袖中進卷摠賢才奏名殿裏千花合

傳語階前好雨來

千花拂檻柳垂絲昼刻傳呼淑景達

聖主自看新進策侍臣簪筆立多時

文章光燄過長虹來者无窮往者空頭白眼昏心力

高堂深夜燭搖紅

送伯長待制扈駕之上都

日色蒼涼映赭袍，時巡无乃

聖躬勞天連閣道，晨留輦星散周廬。夜屬庭西白馬，驚
來腰裏紫駝銀。雍丸出蒲萄，從宮車騎多如雨。只有楊雄
賦，且向

寄池州司直同知

使過池陽聞上日，好懷浩蕩為君開。江干維楫車馬集，
亭上持盃風雨來。中夜魚龍听語競，明年鸞鷲候朝回。
九華山色翠可食，為問謫仙安在哉。

寄張伯雨

隱居聞道無人識，葉鹿來依積海深。每從雲氣得芝木，
莫怪丹光穿樹林。茅君自騎一虎下，木客或與群猿吟。
知子此時正相憶，逢余躡蹻度千岑。

陳伯壽

送朱仁卿歸肝江

羨子南歸肝水上，過從為我問臨川。我家桐柏霜垂屋，
何處蒹葭月滿船。應有交游於遠道，好從父老說當年。
寒機早晚成春服，一一平安報日邊。

興聖宮朝退次韻袁伯長見貽

尊號於是日，加上禮成告謝宗廟。余東出赴齋宮，
翠蓋重二室，扇斜從官穿柳散。慈鴉過宮路，遠紆天步。
上壽林深閣雨花，玉貫兩虹通象錦。衣成五綵鍊雲霞，
奉詞東出蓬萊道。春水身驚馬踏浪，槎

別成都

我到成都絕九日，駟馬橋下春水生。渡江相送謝主，
過鄉不留非我情。鷓鴣輕筏下溪足，鸚鵡小窻知客名。
幸得鄴筒酒易醉，夜深衝雨浣州城。

廿五日即事呈閣老諸季

松陰鳴立候宮車風送宮花着白鬚水影漸移簾側畔
鶯聲只在殿東隅近床擬進新琴操載筆誰題古
太液雨餘波浪動龍舟初試散魚鳧

贈星上人

潭北湘南无影樹一花吹渡海門朝天香滿室定初起
雲氣上衣身欲飄室月夜寒龍在鉢銀河秋近鵲來橋
豈无一箇邛州竹與尔孤松伴寂寥

送可無上人

五公昔講時听者不起坐虛空乘銷殞何由見人我名
字誰與安說義話已墮尚自无亦无更問可不可不見
天雨華誰能拾餘朵

賦疑雲石

陳伯壽

海石不盈握隕然如委雲危岑集遠思虛竇柄微薰天
高大華斷日落香炉分几現永清潤文章互氣盪潛雷
起神谷震驚天上聞亟視恐無及化為九龍文

送兄德脩南還

老兄五月來作客八年不見頭揔白五人兄弟四人在
忽憶中郎淚沾臆我家蜀西忠孝門无田无宅唯書存
兄雖筮車实父蔭弟竊餘澤承

君恩文章不如仲氏好叔氏最少公亦老五郎十歲未
知文我胡為長遠道諸兒讀書俱不多又不力耕知
奈何憂來每得二三友看花把酒臨風賦蜀山佳城歸
未得盤二仙壘臨川側碧梧翠竹手所移應與青松名
千尺南風吹雪河始冰兄歸烏帽何榮二明年乞身向
天子共讀父書歌六平

澧州謝家通濟橋

澧有蘭方沅有芷相望消二隔秋水蛟龍迴夜隱波深
虹霓乘長駕空起千年石尉何西東天下有道律梁通
朝祠東皇蒼雲中行人無忘懷謝公

題南野亭

門外輕塵接市橋坐中春色自幽亭雲橫北極知天近
日轉東華竟地靈前間魚游留客釣上林鶯轉把杯傾
莫誇韋曲花無賴獨擅東南兩後青

題九歌圖

太乙神君號東皇玉質斐妙合和陽生二无始通微茫
綿二蒸空神中央浮英上羅文天章覆冒下滿谷与阮
旁室无間灵无方灵來乘素往乘剛相君夫人鎮相望
清温靜好非淫傷司命元老元氣昌手執藜杖色老蒼

歷劫壽命不可量少君之壽同其長禹无異体合有常
出入万化終不望晶明發晨上搏葉海天赫二真金芒
質鍊不滅長垂光河源混二流湯二伯也坐視无迎將
千古方古何堂二彼幽為房為強梁朝裡暮豹方鷗張
精魂熠耀志意荒招之不反巫无良蚕生作歌沉九湘
世人傳声罕尋詳祝融仙子調玄黃九神出圖百怪藏
不信請視真公章

題趙子昂馬圖

憶昔然公侍書殿天閑過目如飛電池邊終有晚豪人
神駿誰能誇独善今公騎鯨隘九州人間空復看驂駟
惟憑御氣何相逐黃竹雪深千万秋

張野夫

壽李秋谷

璿階曾共近清輝一旦雲鵬九万飛
拜入中書今亦有兩封上国古全稀
霜侵吟袖趨朝去香惹官袍侍講歸
同使斯文路壽域且休回首北山薇

。先明善

寄翰苑諸公

蒼烟綠樹滿汀沙負手行吟日又斜
江水有時穷地脉海雲何處是天涯
生前幾醉樽中酒夢裏曾來海上槎
惆悵懷人重回首晚風吹及紫薇花

送湖南李直夫憲使

君去湖南我上京思君欲見又荒城
滄波留月能歸海紅鴈拖雲不到衡
一代豪華誰遠識百年驚畏護灵名
好來不作男兒事有水可漁山可耕

送董慎翁左丞討賊

負劍光驅意氣閑也勝局踏著儒冠
古來每說從軍樂此去不辭行路難
使節再臨民志定兵鋒一奉賊心寒
書生奮力效馳逐要寫功名久遠看

題天冠山

仙翁昔往天冠山夜呵鬼神衛丹丹
二成飛去杳不还蔡池丹井猶山間
翩翩二李子風佩環華棖鉅櫂青雲端
思玄尋躡果安訪鶴歸月落前溪灣

跋南嶽壽寧觀碑後

朱陵灵臺天柱巍太虛空洞綠煙扉
上館赤帝朱鳥飛祝融宅南參為旌
羲娥兩曜慈蔽虧象緯分區差位迷
四觀燕吳与秦齊恒嵩泰華孰崇卑
五氣順布百志熙流祥阜物宣后祇
雨風露雷豈其私惠尔下土尸者誰
中有異人餐赤芝夜眠秋霞昼天倪
衣以青雲裳白霓

風車八極驂兩螭七十二峰足幽棲琳宮貝闕輝陸离
潛光煉魄如嬰兒大丹八咽无渴飢誰其思之吳宗師
神變倏忽方張施冷然御風渺何之太君歲晏嘉亨期
千秋万歲受鴻釐

皇圖景運永以不手持芙蓉朝紫微旋騰天闥此來歸
彭亨峇既達尔垂磨崖鏘我璫華辭

○鮮于伯機

望嶧山

東方巨鎮宗岱宗群仙列侍臣妾同西南崛起一萬仞
却立不屈如爭雄何年天星下天宮墜地化作青芙蓉
外如刻削中空同閻風玄圃遙相通我昔東遊訪青童
群仙招我遊中峰悔不絕粒集雲松失身誤落塵網中
如今可望不可到艤舟空羨冥飛鳴神仙可奈事亦脫

安用膏二悲秋蓬吾聞嶧陽有孤相鳳皇鳴処朝陽紅
安得斷為宝琴獻

天子為民解慍歌南風

○趙子昂

送吳汀洲

七閩南去路崎嶇五馬承恩出帝都地氣喜聞今有雪
民生寧似昔无襦山城酒美傾鸚鵡旅館春深听鷓鴣
他日相思應恨二離筵不思賦驪駒

采石

天門日湧大江來牛渚風生万壑哀青眼故人携酒共
双眉今日為君開蒼崖直下蛟龍吼白浪橫空鶴鶴回
南眺青山懷李白沙頭官渡苦相催

過岳武穆王墓

鄂王墳上草離離 秋色荒涼石獸危
南渡君臣輕社稷 中原父老望旌旗
英雄已死嗟何及 天下中分遂不支
莫向西湖歌此曲 水光山色不勝悲

即與

春陰柳絮不能飛 雨足蒲芽綠更肥
政恐前呵驚白鷺 獨騎款段遶湖歸

絕句三首

庭槐風靜綠陰多 睡起茶餘日影過
自笑老來元復夢 閑看行蟻上南柯

橘子花開香四隣 綠陰如染淨無塵
幽齋獨坐鳥聲集 万累不干心地春

自有天地有此溪 泓澄百折淨无泥
我家溪上无人到 只疑身在青玻璃

漫興四首

竹色雨餘碧 蟬聲風際清
古池貪綠水 中有纖鱗行
近各異態亦足悅 吾情坐久不成起
待得月華明 露生夜將半 澹然无所為
草根虫鳴歇 松梢螢度遲 城市多塵雜
令人心不怡 茲立亦可老 已与白雲期
春晴浩元端 野望欣有矚 山花眩桃李
澗影瀉松竹 鳴鶴聞九臯 白駒在空谷
好鳥何処來 啼破林煙綠 揚舫清河流
開蓬素秋曉 欄班被岩花 委蛇順流藻
天晴去鴈高 野闊行人小 故園歸有期
空愁淨如掃

和子俊感秋

秋至忽十日 天宇豁然清
涼飈旦夕至 林木發商聲
良夜不我與 慨然心自驚
古人久已逝 念之動中情
苦心嬰五患 只博身後名
今我將元同 聊復得此生

東刻

晨風理孤枿薄言東郊遊清風吹我衣入袂涼颺二幽
花媚時節弱藻依空流山高碧雲斂日出白煙收曠野
得我懷欣然消我憂中流望城郭忽二佳氣浮人生亦
已繁惠養要須周約身不願餘尚恐之所求且當置勿
念變化終歸休

奉隆福召命赴都過德清別業

驟暄氣候變幽園卉物妻山雲石上起春鳥雨中啼牽
衣憐緝子幸被愧山妻苦被虛名累未得遂高栖

聖石同子後遊何山次韻

同是清閑客俱為放浪遊晴山依雲壯野水帶水流風
急松杉亂年登青麥收生涯須未老吾欲覓菟裘

送耶律伯強得請歸東平侍父

麟鳳出瑞世不受虞衡拘郊藪亦可遊豈必在軒除明
時蘇遺才治世容隱居振衣有霄間脫徙風露徬叢進
我獨退卓然君子儒西埃有方躅東門祖兩踈路人亦
嗟潛友哉二大夫伊余獨何幸乃得尾送車恨不生羽
翰与子東南俱臨分无以贈善保千金軀

贈別來谷公二首

驅馬原隰間經時不違休昔來日在斗今去麥已秋王
事有裨益宴安非所求翩二長風翼一幸遊莫留誰令
麴瓜繫自懷離別憂

青二蕙蘭花含英在中林春風一披拂胡能見幽心相
去千餘里會合大江濤促席談今古知我亦何深此別
雖非遠离思渺難任公其愛体素尚无金玉音

春陰

日山晨景淡散髮步中庭仰見耀二松春風暢人情茲
晨豈不佳誰能念陰晴人生亦良晚疲勞竟何營力事
可撥置舍道焉求成

出都

都邑何雄麗車馬日夕喧雞鳴趨蘭省日夕不遑眠茲
晨奉明詔馳驛東西奔雪積原野白路脩烟塵昏馬鳴
朔風起吏士慘无声还顧望帝鄉更竟勞心竟我今无
家客新蓬离本根願為双飛鶴奮飛入青雲

張蒼事遂初亭

青山遶神京佳氣溢芳閭林亭去天尺万狀爭自獻年
多嘉谷合春晚花自斂雕闈留戲蝶益梁語嬌燕退食
鳴玉珂友于此終宴鍾鼓樂清时衣冠集群彦朝市塵
易侵魯書味方遠紛華雖在眼道勝安用戰初心良已

問作

遂雅志由此見何事江湖人山林未成願

送來谷分省陝西

憶昔長楊櫛于時始識公堂二九尺幹落二萬夫雄補
袞弥縫密能書點畫工勞謙延士類豈弟到兒童黃閣
婦人望青雲有父風驅馳常扈從奏對每留中暫輟尚
書履柴分陝右弓秦山依昼錦燕雪感飛蓬粉署趨承
旧瀛洲黍竊同因公動鄉思飛夢到江東

題南德府所居桃源春曉首

宿雲初散青山濕落紅繽紛溪水急桃花原裏得春多
洞口輕烟搖綠蘿二二摇烟掛絕壁飛流直下三千尺
瑤草离二蒲澗阿長松落二凌空碧雞鳴犬吠自成村
居人至老不相識瀛洲仙客知仙路點染丹青寄輕素
何文有山如此圖移家欲向山中住

題二喬高

長江東去水涵二誰謂河廣不容刀中有喬家女兒淚
何意師昏隨二夢龍虎相爭欲相啖鸞鳳鏃翻將安逃
不見當時老諸葛独聘醜婦何其高

書事四首贈孫思順

溪上東風吹柳花溪頭春色淨无沙白鷗有信忘機事
玄鳥猶知有歲華錦纜牙橋非昨夢鳳笙龍管是誰家
令人長憶東陵子擬問田園芋種瓜

天涯相遇兩相知對榻清談玉屑霏芳豈謾隨愁共長
青春不與空同歸薰風池館蛙占老落日簾櫳燕子飛
南浦它年重到日胡山應識謝玄暉

露下碧梧秋滿天砧声不断思綿二比來風俗猶存古
南渡衣冠不及前首宿總肥宛駸裏批把曾泣淚婢娟

人間俯仰成今古何待他年始惘然

曾顛官閣戎時脩檻外長江空自流白露已零秋草綠
斜陽雖好莫雲稠平南籌策張華得治内人才蕭亮優
景物未窮登覽異角声孤起甕城秋

感興

三月江南鶯乱啼百花爛熳柳依依二殘紅無數迷歌扇
嫩綠多情如舞衣宝鴨焚香川上暝盈缸擗鼓月中歸
只今零落秋風裏把酒无言對落暉

題山堂

手種青松一万栽山堂留得翠屏隈推窗綠樹排檐入
爐水紅桃對鏡開山雉誰迎朝日去暝禽啼傍夕陽來
山妻亦有幽棲志數日遲留不肯回

過故發苑

一片平原地紛二戔戰爭至今將不去留與後人耕

題秋胡戲妻圖

相逢棄下說黃金料得秋胡用計深不是別來渾未識
黃金聊試別來心

丙吉問牛

博陽陰德澤堂廊民物周流鬢髮蒼尚爲兵捷駐車問
諸公但飽大官羊

題陶母待賓手卷

范逵誠孝廉陶俱固英特英特未可知門有孝廉客傷
哉陶母貧剪髮易酒食此意固自佳此髮足可惜此髮
足可惜兒心將奈何丈夫淡相與豈以酒食多平生郭
林宋何如茅季偉

程雪樓

寄牧庵參政

黃雀山頭楚觀鍾喚醒塵夢久從容歸來坐听春林雨
还憶簾前翠万重

閨靜軒

梅杖

揀遍西湖万玉珂春風入手重摩娑
闌青靑竹能香不較品鳩藤奈俗何
声破夢寒霜浦戶影隨詩瘦月橫波
只知功到調羹尺不道扶持力更多

皇元風雅卷之一

皇元風雅卷之二

交趾王

大明殿侍宴

班陪玉筍侍紅雲日表熙々瑞氣温方派朝宗滄海闊
眾星環拱紫宸尊雍容湛露歌詩什彷彿鈞天入夢魂
孤孽秋毫皆

帝力願強忠赤報深恩

禪送駕至上都過關口而回

控轡追隨寶馬群古長城外送金根仙蹤縹緲響聲遠
客路崎嶇燕尾分喜見重瞳開日表何勞八翼夢天門
梅岩有約人知不我處朱欄看白雲

送元明善赴京

江流脉脉之草離、黃鶴磯頭酒一卮、其國忠心憐我老
論文半面識君逢、正當宰鼎調梅日、又是長亭折柳時
收拾琴書歸路穩、鳳城依約更相期

送李允川平章赴闕

雪洒長亭酒滿斟、楚山千疊水千尋、梅清半識平生面
相老相知太古心、鴈影南樓孤月冷、馬頭北闕五雲深
二毛越叟情无限、獨向南窓袖手吟

挽卜隣吉少河南王

哲人萎矣棟梁傾、回首西風涕暗零、二世功名今古史
百年過客短長亭、手扶紅日名猶在身、就黃粮夢不遲
記取汾陽舊勲業、紫微留種繼芳馨

万歲山侍宴

碧漢鳴鸞隔世塵、玉京開宴會生辰、舜迴鰲背千山雪

酒上

龍顏万国春物被、仁風滌

御苑水流

聖澤溢天津、越南羈旅陪賓列、咫尺光瞻日月新

駐馬渡頭

大別山頭漢口前、吳王城下泗城邊、立殘秋水隔灘鷺
噪落夕陽何處、蟬赤壁冷煙銷魏卒、黃州淡月照坡仙
英雄滿酒名俱在、我愛吟狂不媿天

鄂館書懷

蕭然孤館起淒風、半壁青灯照病容、滴碎秋心窓外雨
敲殘曉夢枕邊鐘、衡陽鴈斷三千路、巫峽猿啼十二峰
不及關山回首處、暮雲疊之水重重

秋晚睡竟

海水盈之漏轉籌霜風吹角出誰憐
心遠孤雲萬里秋玉帛幾年賓上國
詩書半出老中州
平生事業渾如昨無奈青燈照白頭

○徐參政

題吳城山石磬

磬若磬磬中應雙一在陳庭一此鄉
石稜尤作劍鋒剛知音士適逢坡老
得定神陰相讓章
朝令收藏要如法豈有垂失在東房

○劉侍史

九日按上都過陵立

瘦馬行吟萬壑中浮萍身世幾西東
酒薄顏添半面紅滿廷荒叢摧夕露
陸丘又過重陽節流落天涯愧老翁

過陸丘縣

白露擁蒼石紅葉浸寒水騎馬下山來
啼鳥忽驚起

○梁宜慰

過湖登樓

樓前秋水健帆開樓外秋風舞袖回
四時風雨護龍堆江山如此不一醉
欲問老髯求鐵苗夜深吹上紫荆臺

○何理問

題宜春臺

山外青山樓外樓楚雲迢遞暮天秋
一道長虹鎖碧流幸自但知天地闊
二仙縹緲成陳迹我亦飄然賦遠遊

○張天師

四景

初日暉三照翠苔庭前昨夜碧桃開一簾香霧散風動
知是仙人騎鶴來
深院棋聲日正長博山添火試沉香道人鞭起龍行雨
帶得東潭水氣涼
天際涼風似水流山中瑤草不知秋黃庭讀罷元餘事
鉄笛一聲閑倚樓
養就還丹不泊寒獨騎黃鸝上雲端笑談借得天家寶
散作琪花滿石壇

○吳宗師

獲玉印

三茅山道童遇白兔入穴掘之得一玉印
乃九老仙都君印宗宣和時物也

瑤瑛襲刻鎮華陽猶帶宣和雨露香玉兔有靈開地藏
金童无意得天章九重臺上增春色萬里書帛耿夜光
喜遇明時薦神瑞三君珍重互宏綱

六月十六日早

朝偶成八句寄山中諸友

五年四觀六龍飛又領群仙觀紫微金殿煙雲浮繡几
玉階日月麗旌旗群臣奉

聖勤三詠

國母臨朝重萬機遙食蟠桃知幾次客星還照釣魚磯

台○滕玉霄

合星移次福江西萬馬攢蹄夜不嘶鼓角聲隨山月上
旌旗影拂海雲低心惟一正千官肅事不多言萬法齊
帶得天邊新雨露曉看春意滿鈿鞵

謫會昌二首

莫道文章不直錢布衣親到玉皇前好詩未足三千首
又為梅花入瘴煙

錦衣來作夜郎客統扇忽逢春夢變太平宰相知我老
誰使醉後任言多

舟中

拍、有懷天可語落、不遇吾何歸庐山蒼、江水急
明日鷓鴣背西風飛

贈弓秋蟾

瓊花十里小樓紅醉吞牛斗眠長虹十年四海分萍蓬
一笑邂逅滕王洪床頭回首黃金空但覓耿、盤心曾
問蟾何不歸蟾宮自有老月留身中誰受一粒金丹紅
空得紙上畫墨龍白晝呼吸風雲從頃刻霧暗天濛、

妙處巧奪造化工不復知有陳所翁君不見金陵壁上
不點瞳點瞳霹靂驚江東我欲頌君具毫楮畫一小龍
回顧母曹今天下生孝心不向江湖長驗雨

感寓六首

宇宙忽空闊飲馬萬里流平生負兩眼及此行寓州天
清健鶴運木脫飢鷹投長風吹海雨濯我紫綺裘相逢
半遊俠把酒髯如虬慷慨談史記歷三山川秋向來衣
帶水日短何無舟 河

吾愛東方朔高揖金馬門向非玩六合安肯來嵩喬昂
昂九尺身談辨黃河翻誰知上書意蛾眉非自媿不見
馬相如悅首猶監恩人生非桃李何故不自言
吾愛李太白玩世如游龍自知天上謫何必人間容海
風吹綠髮蕭、卧雲松我昔夢見之遺以金芙蓉清輝

恍在眼月落蛾眉峰

西風桂花落我上天台山仙子扶我手冷然蒼水環乘
鸞者誰子飛烟渺難攀三生此遊戲弄影銀河灣空山
忽風瀑四顧鳴濤潏長揖馬子微此豈非人間

春風如綠波淡蕩洛陽柳高樓語錦瑟落花泛綠酒何
人白鼻騮蒙茸紫貂袖一字或未識銀菟懸兩肘煌二
貝宮珠迺落緯肅手爰居偶鍾鼓犧牛竟文繡終然同
一尺豈復論好醜誰知草玄者窮巷閉白首

船頭書十乘船尾酒百壺酒盡書在眼落月如明珠忽
候八陣法縱橫始河圍惜哉經世士未有窺唐虞季子
相六國所見惟陰符

元日對雨

冷雲卷雨宿石角又見東風長盛羅宇宙千年光零少

關河百戰亂離多鐵心不入利名冷綠鬢堪供歲月後
試筆尋詩二未穩梅花樹下少婆娑

湖西小樓

不如載酒此凭闌水色山光蔚可餐紫萼挾春排坐濕
玻璃湧月入窻寒蒼茫白鳥明幽岫掩染飛花漾碧瀾
但領風光入吟嘯畫船綺袖不須看

所見

何時結屋亦雲根隔水人家可輞川萬仞雲山疑曉碧
一乃風日弄秋妍虛名豈用傳身後俠氣猶能累眼前
料理寒香微雨外已拚蕭散待流年

吟到

吟到西風黃葉枯新愁幾點落寒盧乾坤萬象俱吾有
煙雨一闌何處無流水悠二吾道在浮雲換二世情踈

午牕喚醒華胥夢古木岩頭聞鷓鴣

訪隱

西風短褐飛黃埃何不從我遊蓬萊狂歌醉舞下山去
後夜月明騎鶴來

吟人

吟人瘦倚曲闌干酒醒香銷午夢殘燕子不來春社去
一簾疎雨杏花寒

夜雨

未到黃昏緊閉門怒雷挾雨過前村老夫熟睡渾不覺
風捲濤聲入夢魂

半生

半生獨受春風淺萬感相隨秋夜長隱几無眠听落葉
松梢搖雨濺山房

僧舍

一枕松風入夢清空庭夜雨暗禪灯山中酷愛僧居好
得似山中不着僧

馮海棠

題黃鶴樓

鶴樓千尺倚晴闌大別山青舜峻奪昨日英雄無問處
依然江漢湧波瀾

題揚州瓊花

錦帆隱隱到天涯古道殘陽泣暮鴉莫為龍舟更惆悵
廣陵依舊看瓊花

題墨射魚

平生骨氣占南風玉色鬚鱗海汐通莫與粉紅參石首
天機袞袞水流東

旌表申孝子門

竹履輕輿到處安，水溫半菽及情歡。寸心不暫三暉置，
刀須何如一畝寬。高蓋門閭華黼黻，班衣歲月老巾冠。
遺憐續漢書申孝，千古申屠又有端。

吳草廬

自警一首

前丙寅十八歲作

氣管皆自愛，非輕才到更初困。倦生必有志，焉當忍之
直教心要強，惺二縱當意思沉如醉。打起精神坐到明，
著此一鞭能勇猛，做何事業不能成。
元來一片虛靈府，埋沒經年滓穢場。不特通時多走逸，
竟於靜處亦飛揚。晝間常被事牽引，夜後猶隨夢攫拏。
喚起主人翁警覺，自家三徑不容荒。

題閭皂山

漢吳仙跡兩峰齊，欲拾瑤花路恐迷。宝聚青紅疑地湧，
林峦蒼翠接天低。九重香案分靈象，八景琅函記玉題。
仙鶴翔空清似水，步虛声在采梅西。

題蘇李泣別圖

校

節旌盡矣自須存，此日生還侍主恩。右杖謾循椎結泣，
平陵有子庶無孫。

書李伯時九歌圖後

李家畫手入神品，楚賢流風清凜。誰遣巫陽叫帝闈，
為招江上歸來魂。音紛二音紛二，柱高辰遠聰不聞。扶
棄初轍海橫雲，司命播物泥在鈞。洪纖厚薄無齊雲，公
無渡公無渡，衡風起螭龍怒。夜猿啾二天欲雨，天欲雨
迷歸路。歲晏山中採蘭杜，靈脩顧二復去莫怨瑤臺神。
女姮坎二鼓進芳醕，耻作蛮巫小腰舞。千年往事公如

噉

新摩沙手舊畫空
儉神騰身輕率
一回首楚天萬里江湖
春

送陳少庭之庐山

匡廬幾千仞
崔嵬上有天仙相
往來我欲遊之未遐遠
君今往矣何時回
我遊我意亦無他
君遊君意還如何
豈為昔人詩句好
豈為其間僧舍多
天地升在最高頂
谷簾界天直下懸
銀河我觀此水注
湖注東注入海復
隨海日騰湧上天
偏飛洒飛洒浩二
湧二無塵界萬生
活動增姿態流轉
無窮萬二載史萬
二載匡廬山不改

晦庵畫像贊

義理密微
奎絲牛尾
心曾恢廓
海闊天高
豪杰之才
聖賢之李
景星慶雲
泰山喬岳

寧可無頃

風吹枯木不搖水激方輪不動
畢竟有木有輪惹起風

號水湧雖如泡影
露電也被眼根覷
見諸有都歸空壤
萬劫一空長在

李伯宗

送邵天常歸山

搏風徑擬九霄飛
志業誰知與願違
虎豹闕深書未達
雞豚社遠夢先歸
香侵客路花方盛
綠滿家山蕨正肥
去後且從閑處樂
徵書有日到柴扉

柳道傳

八月二日大駕北巡
將校獵于散不刺
詔免漢宮舊從南旋
有期喜而成詠

天子龍飛啓聖時
乾坤闔闢載清夷
幸從在鎬承周宴
重喜停邊幸漢儀

御宿常時嚴虎衛
吉行惟日望雲旗

詔恩許免帝駟乘却愧長楊賦未奇

还次相州

塞雨初乾草未霜
穹庐秋色滿沙場
割鮮俎上薦黃鼠
獻獲鞍間懸白狼
別部烏桓知我驛
他時稽落是何方
長雲西北天如水
想見旌旗翰海北

過長城

道德藩墉億万年
長城護与朔雲連
秦人骨肉皆為土
漢地封疆已罷邊
飲馬窟深泉動脉
牧豝沙晚草生煙
神京近在玄溟北
九域開荒際幅員

京城偶成

毳幕承空挂綉楮
綵繡巨地製文冕
辰折忽動祠光下
甲帳徐開殿影齊
芍藥名花圍簇坐
蒲萄法酒瑳新泥
御前賜醕千官醉
坐竟中天雨露低

同楊仲弘應李和表集賢上都雜詩九首

出塞行瞻日趨朝
喜近天宮采苑囿
馳道絕風煙蟻

水迥非遠峒山層
更綿甘泉多法從
獻賦憶當年

雨水漸衣黑雲沙
際日黃煙開綉黯
淡日出已蒼涼徇

俗高簷帽清心小
篆香端居方里念
蕙草惜微芳

謠俗隨方異溝途
隔舍迷醺人唯馬
踵勸客有駝蹄致

角孤光淨城隅雜
樹低天涯中夜弄
如意昔曾携

天潢猶白二雲幕
故青二積潦權車
軸高風墜前翎宮

塗丹楹聖殿戶紫
金釘女樂蓬萊秋
哀簫動香冥

幢殿曾雲陣轅門
積雪峯寺鷹皆戴
角御馬盡飛龍瀚

海將臨幸二亭望
陟封青丘大羽微
有事待玄冬

曹務惟章句官曹
自法程齋疾侵兩
潤宴凡得風清歷

歷三刀夢行二萬
里城明年遂耕隱
深仗酒為心

經遊還絕室際遇復清朝天暑無家給輕定山盤
空蓋屢薦觴至酒頻澆貧病詣為客何慚帶城腰

公子青絲纏主孫綠轆車宴酣風小定舞破日西斜手
擲宮中果神行海上槎築鄧母自厚儉德不期夸

水草方三善弓弘戶二便合園同婦女從戎到曾玄聖
龜千家帳冰瓢百眼泉浚稽山更北長望斗光縣

送涪川謝有源赴閩醫提領

一路青山荔子叢華山西望粵臺東家風蘭玉廷堦上
官事參苓藥籠中鶴首去乘潮浪白蟻房催粵酒陪紅
福州自是炎蒸少腸雪飛花落半空

題有源圖書卷後

官章文孝範精同摹印書兼篆刻工猶是古人傳信息
雕虫元不在揚雄

贈黃伯中從涪川吳先生卒業因之奉簡

夫子祠垣舊巴山闕里門具瞻誰可並交愛益宜尊往
李諸生業行穿百各村亂流黃濁湧迎宿綠陰繁想到
趨函丈承聞服緒言心將經義治理並聖詮存藻績終
迷貨條枚實自根須无遵近軌會有企前轍伊闕如堪
攬河汾欲併吞道初由已致古豈要人捫正要薰陶李
全稀色笑温婦裝當相載館饋且盤飧羨尔方朝旭暫
予未夕昏仰懷駒駉二深感兜爰二搖席令承間緘辭
莫俾頰度幾薦鳳背兼得嗜能躡鯁誰何勞祝因茲寄
不謖

○陳濟洲

龍額山

巔崖突出眾峯前隱約潛龍枕爪眠怪木秋風露角

泉泉春湧鎮龍涎身橫雲外三千尺眼看人間幾百年
莫待始皇驅入海早升雷雨上青天

海青

怒挾孤風海外來脩翎如劍斫雲開潛身陡縮千尋起
得意雄攀一點回万里老拳无脫腦滿鞞英氣不凡材
山後野雉休回首神物无心到草萊

万壽山

万壽山頭尺五天空同直下小如拳五更霧冷乾坤温
六月風酸甲子漏細草已肥燕地馬奇兵先鎖洪江船
行人莫問征南事墮首蘇杭在眼前

馬泊庸

寄邵允文

故友經年别如今髮白无清秋江鷺浴長夏野猿呼客

舍栖書冊齋厨具管蒲知賢不能薦羞遊望東吳

南征

積雨關河温今朝日始晴浮船下夜瀨覓酒近春城鵝
鴨將雛出牛羊傍母眠独憐无侶客万里又南征

寄題杜隱居忠孝齋

徵君家住武夷山白鶴玄猿夜叩關船泛清冷凡九曲
屋分丹壁只三間世人往二知名姓仙子时三定品班
孔壁素灰天未喪我多魚豕待重刪

桃花馬

白毛紅點巧安排勾引春風背上来莫解雕鞍橋下洗
恐隨流水泛天台

琉璃簾

吳農巧製玉玲瓏翡翠艱巖迥不同万綵橫陰浸色界

一塵不入水晶宮月華遠射離二白燭影斜三紅
相隔神仙終咫尺靈犀一點若為通

○鼎古柏

題韓文公祠

嶽竒海怪早相知何事中朝未可歸佛縱有靈那在骨
僧如得道又无衣符分臺嶽天終定福近官墻意更微
俎豆荒涼誰繼廩森森石刻重歎歎

過采石

采石江頭秋月白蛾眉亭下灘声咽綵衣三斧曉霜家
同是天涯苦若空酒仙一去海生塵青山三尺埋衣巾
清江白鳥自今古空岸草汀花空復春我欲御風遊八表
醉裏高情覓三岳曾聞雲霧不可攀回首江南數峰小
九華山一名蓮花峯在貴溪

江上青芙蓉造二隔秋浦九茎風露寒万壑煙霞古瑤
草含芳春青松立亭午安得一把茅移家白雲塢

鄱陽道中

江上秋風吹斷鴻江頭開遍木芙蓉幾家籬落依紅樹
万壑煙霞鎖翠峯南國風光一盃酒故園魂夢五更鐘
峯頭日近長安遠聞闔雲深第幾重

九日鄱江里同行諸公

滄江木落空鴻飛佳節之山酒一卮黃菊且陪今日醉
鉄冠不受晚風吹滕王閣上雨雲黑戲馬臺前草樹衰
何似淵明千古意一篇清絕去來辭

琵琶洲

昌國寺前楓樹秋琵琶洲畔暮雲愁沙頭潮落灘声急
疑是潯陽淚未收

鄱陽和程世民巡警官

年少將軍意氣雄
迺翁憲府舊乘聰
魯中詩禮有庭訓
江右衣冠多士風
玉樹青葱秋色裏
明珠炫爛月華中
滕王閣上重回首
後夜相思寄別鴻

望玉筍山弗克登覽留詩萬年宮

西南山水窟玉筍
號奇絕群岫來坡陀
孤峰立撐崢嶸
洞煙蘿青危澗
幽泉咽正是南昌尉
於茲悟仙訣一覽
快心目洗滌中腸
熱嗟予敢告勞馳驅
待環轍五月登
武夷溪流清且冽
扁舟九曲中
兩崖千尺鉄
歲暮復何
之清江夜飛雪山
靈以笑我身世苦
羈紲願言解塵纒
林泉養吾拙

春遊

桃葉渡頭春水生
長安橋上草長青
白年深向花時飲

贏得城南戎醉醒

清遠縣尹楊觀政
有奇蹟復能詩
文民僚服
其化士大夫
過者靡不稱頌
故贈此加勉焉
玉節星輅下嶺南
萬山空翠雜煙嵐
風傳清遠多佳政
花滿春城月滿潭
風流文采揚忠肅
南北雄奇古峽山
怪底蠻江無語鳥
絃歌終日水雲間

梅嶺題知事手卷

黃金臺上客
大庾嶺頭春
如是无詩句
梅花也笑人

題碧澗堂

在瑞州鳳凰山
傳李八百女弟
明香真人
故居舊有迷仙洞
上刻仙容
聞說明香阜
李仙華堂突兀
故山顛
四圍亭檻
倚雲上

兩岸樓臺綵水邊
龍虎丹成知九轉
鳳凰飛去已千年
旌旗八百俱塵迹
惟有坡翁麗句傳

萬安縣邂逅一樓偏
高明舊有公
張憲食

和劉素庵一詩用題于左

五雲閣上北風寒
十八灘頭疊亂山
東嶺一枝春信早
龍泉三尺土花斑
蠻天瘴雨霜天曉
畫戟清香晝日閑
倚遍闌干動高興
一聲道唱水雲間

次韻宗道御史過峽

蒼崖嶮巖奔東流
玉節招搖漾彩舟
雲鎖千山蕭寺古
霜清百尺瘴江秋
白猿一去空長笑
驄馬南來得壯遊
聞道邊荒散帝力
家二麥飯老林丘

番禺道中

玉斧飛霜大庾南
方松蒼翠洗煙嵐
雲迷梧野山羅戟

月滿韶江水
潑盃椰子漿
密殊似蜜荔枝香
爰絕勝柑
中朝耆舊如相問
鳥語啾啾正未堪

和元師月魯胡突小子強橫竟以賍敗同憲

岳公齊高王馬二憲掾實共事云

好雨崇朝洗瘴滯
越王臺上一登臨
鱗魚已逝白波靜
遊鯤變化滄溟深
六祖泉灵千歲水
百蛮航貢五天金
九重貝闕雲深处
万里孤雲守草心

題叅政高公荒政碑

庐山插天千仞青
明公高節逾稜層
西江月冷秋無際
明公此心清徹底
厥渠道上射虎多
手搏不待弓与戈
前年魁虜徧南國
飢者以充僵者立
洪州父老遮道傍
上書乞留涕泗滂
豐碑大字記荒政
要使遺爰如甘棠
我來觀風聞此語
未見儀容心已許
願公從此了赴中

書畫亭為四海蒼生作霖雨

龍麟洲

陳平章席上題琵琶亭

老大嫦娥負所天忍將離恨寄哀絃江心正好看秋月却抱琵琶過別船

春日即興四首

復分

一夜東風到海棠千桃萬杏不成粧老夫無待亦紅海自拂銅瓶浸錦香

二月桃花煖欲然墻南美錦正芊綿底須更覓馭秦更遶屋春紅即洞仙

病來彘尾老嬾嬾瘦策東風只未闌野菜黃雲山蒼雪風光何處不堪看

枯藤外二領春華遮莫東風顛帽紗點破無書黃世界

一株香雪小梨花

赤壁

踏呂推袁虎視耽阿瞞無勢捲江南磯頭一霎東風轉天下江山自此三

葉友休

名留字景良著聖德延奇錄為乃世師法

資治通鑑

君燮君方臣燮臣出問何有敗亡人若還燮古猶為遠夏后何豈可燮燮

讀古史治亂

睿智聰明允執中萬機四海一家同柰何生長承平後聞見無非只後宮

杜衍處

惠山寺行殿

渡江五馬竟忘歸愁見年三鴛比飛千里版圖非故國
六朝基緒幾危機煙蕪經葉閑僧錫風落松花上客衣
前代衣冠已塵土空留碑碣枕前暉

題鄉僧智安石山嘉谿亭

磊落如癡也似頑精神半在嵌岩間鬼工驅得平泉石
吟客未逢飯顆山虎伏不驚飛將怒羊躡誰識牧仙閑
詩成箇二頭應點師亦拈花為解顏

皇元風雅卷之二

前集

皇元風雅卷之三

前集

○安竹齋

送白雲平章

舟人停棹酒停斟試听筵前送客吟離恨早知如此苦
交情不合恁為深白雲境界三更夢紅葉園林兩地心
從此卓茅亭上客抱琴何處遇知音

○明普彥

題商山四皓圖

劉氏何如呂氏安尺圭便尔闔重關空將髮雪對隆準
不道啼紅慘玉顏鴻鵠聳聳寒悲曉殿紫芝香冷怨秋山
千年猶昧深根術又落巴童橘樹間

○支子方

次元復初韵送虞伯生代祀江續二首

成均十載宛遺經未識沙墩長短亭旌旆曉霞穿化日
文章秋月映華星鳥鳴春晝岷江白鷺沒天低籠樹青
四海車書今混一摩挲劍閣重鐫銘

出宿春城宿霧低閱人老眼似層梯功名愧我蠅鑽紙
文采憐君玉在泥蜀道連雲春繫馬巴山踏月夜聞雞
贈言却笑瀛洲客吟落梅花日又西

贈別任毅夫御史行臺陝西

金天行秋河漢涼星韜夜起尚書郎隴山晴樹熙化日
燉煌楚道露飛霜天邊鷲鶴意自遠草間狐兔无苦傷
丈夫樹業方如此探別不用愁中腸

和甯致剛幽懷

時雨息氛翳高林響風蟬端居愜孤尚圖書靜當軒涼

懸薄搯戶微爽生簡編客來聊与樂客去自復眠徜徉
未今夕庶以全吾天

送馬伯庸御史奉使閩隴

聖朝啓文運同軌來无方夫君起天關崛起千仞翔脩
綽陋史漢高步追黃堂廼祖尚書君樹立何堂二昔在
帝世祖祭身事戎行風雲一朝會奕世傳芬芳矧君擢
高科有業未易量斯文繫政教治忽慎弛張出豈无勇
者舍君吾何望勿為守鉛槧局東徒苦傷燼屋京城居
去君百幸趾聞君起冠豈僅走亦欣喜况當遠于征无
言誰能已朝風號空乘衆草日披靡河閩尚瘡痍聖度
乃弘偉繫彼溷天休能不懷愧耻報危見臣節維持賴
風紀温言表遺忠生氣凜不死乃知烈丈夫豈独魯連
子

題楚山春曉圖

荆門雪霽江樹芳巫峽舟二愁雲長山猿杜鵑叫落月
風灑露沐何蒼涼六龍從東來曉氣開扶桑天高兩絕
人事交解環結珮空相望渚宮西滋連三湘畫中隱二
听鳴榔安得置我棲其傍爲君一曲歌滄浪

。袁伯長

送華山隱者

黑髮祠官佩水蒼方松深处響琳琅黃柑有法能爲酒
紫朮無飢可當粮招鶴弄空山月冷機龍吹兩海風涼
瑤池欲問長生訣碧澗研朱寫綠章

次韻呈周儀之盧宿生

英二雲中君含思歌太乙迴鸞弄天葩流粲曉莫迷報
之不成章玉雪耿素質臨風發長語庸以永今日
昔季夷吾居之人怒且怠哀猿雜山狖驚笑欲我害天

隱神所藏別之空悵慨桃源闕深竇亦復知晉代

道逢李仙人御氣不飲酒我笑初元言彼已嗔我否哀

哉守其愚繫石猶在肘冥化隨悲風淪二骨不朽

義娥挾雙軸舟二若見迫丹臺嗽靈霞瓊蕊生尺宅控

搏無須更詭幻已千百慎此陰陽機迤虛脫其厄

奇樹生南董清坐彈五絃涼風颯求古白雲起蒼煙世

故日已偷俛仰隨歲年折腰尚爲酒猶足青簡傳

少年恣青雲歡至無復恋一爲閩河行常恐不得見新

鴈雲中來飛二落南嶽歸心耿無寐寒更促得箭

次韻送友教授閩中

鬱二大古樹叢生散珠玕明時炳陽德寥落歲歲寒六
風西北來凍海繁會瀾芳朽各有性盛衰詎無端賢二
水上發黷二塵中冠宿志不得耐奮飛戡其翰伊南定

一士羈鴻河之干手持大雅篇八音佐王官增陰卦朝
日薄飯不滿盤避逆喜我同金石生肺肝出處非故意
低徊耿相看闕山渺雲海東望通三韓居夷聖者在取
琴為君彈

送邵元道

仲連匡世姿揮手却秦軍掩袂停白日登車抗浮雲射
書藏草二孤城死生分碎榮敦厚谷德抗離其群
虜鄉舌轉九拙事精微共事危見交態窮愁名益光黃
金散逝水白璧凝飛霜丈夫有定志得失非豫防
梅生一尉微喋二正天紀洗心洞玄化削跡无妻子龍
變孰為別蟬蛻乃真止松迴風冷二水落石齒二
襄陽孟浩然拂衣歸故山放浪岩壑深流沫遺人間牽
袖林花落擊楫江鷗还羊公何壘决水声日潺二

送世茂許少真像歸武昌

岷江下奔流日夜東南趨艱虞六十載蜀客无元元居織
脩掛晴練五老為之庐招彼素人心蒼翠垂流珠幾人
銀葉入懷宝耿不據青桐濯孫枝下此佳鳳雛約爛五
色翼披霞表亨循清者冥鴻遠逸以蒼鷹俱食竹恣苦
志餐風養真腴將入極周覽得為自符歲月諒有畫
雲端復躊躇躊躇固吾事在并悲征途

蒼莽鷓鴣洲日沒楓葉赤昂之歎士恨蔓草化為碧之
士輕且優之人何急空至千千處下投筆五鋒鏘銀城
太古雪俛仰一消釋雍容詩書即浩氣烈金石徘徊登
臨意宏波爭如席相逢各万里未契淪夙昔咿嗶語未
罄征鴻起暝色凄凉衣冠聚山海第聶七鬢二葉榆老
人物渺可識停驂望前坡去馬記初驛

歐陽元功

延祐二年二月十七日侍宴北省

臣本江南一布衣恩榮今日及矣微台躐列漢光相射
湛露迎陽晝未晞仙醞飲來生羽翼宮衣晉得奉庭闈
酒闌車馬如流水回望紅雲送闕飛

題孫氏壽慶堂

孫母歐陽九表登外家譜謀自戶陵高年備養人俱羨
同姓升堂我未能好客郎君深巷輟讀書稚子小窓灯
朝廷優賜尚方帛更待廻奪織諸綾

題澧州謝家建通濟橋

慶雲龍日護雲根玉樹薰蕪接澧沅太傅功留召伯埭
相君心競謝公墩已誇蟬蝶綿今古猶羨封胡偉弟昆
珍重靈輿二上月時隨車駟勞于門

皇

過洞庭二首

白沙隱二見金鰲裂閣憑虛結構半天水渾融浮大極
神入幽巖隔秋夢龍堂深窅窅靈栖冷象緯低垂客枕高
欲作蒲堂迎送曲杜紅蕖碧尺離騷
媧星搏玉掛虛空屹立君山面勢雄一畫橫圖天地骨
九江鯨觀鬼神功裾翺帝子蒼茫外樂奏鈞天傾洞中
頗恨當年鄒魯客觀濶未到楚諸熊

夜宿寺前農家

漢南旅店已星稀倦宿田家帶落暉蕭寺依山聊復尔
鄴侯送酒是耶非風餐并蕘涼生飯露坐俄驚月在衣
老子漫遊吾漫送登山臨水澹忘歸

西明道人每一相見去必求詩余亦不能卻

武昌堤上水雲身三十年來識道人只為漫遊相見少

故知臨別贈言頻
幢二車馬紅塵老
靡二江山白髮新
邂逅一回詩一首
錦囊千首未為貧

寄諸弟七絕

長樂鐘聲折號時
三台八座列參差
自憐手把天瓢水
一滴鄉關不得私

聖主宮中遊幸跡
日臨秘閣看雲儲
今朝蘭省初開試
清曉玉音催著書

省垣東畔至公堂
十五年前戰藝場
飽食大官元補報
兩科來此校文章

御史承差鎖院門
使臣傳語出天闈
試官被命連鍾入
同榜三人入謝恩

仁廟初科射策郎
如今斑白殺朝行
東風昨夜聞啼鴉
夢遶江南烟水長

薊門城下過塔塔
一二人通竈間
今朝送客又還入

那忍更投名利關

別駕祠前雪水深
弟兄沙上把離樽
三年不洗來時裊
要看淋漓別酒痕

早朝

扶搖九万透雲霄
鳳闕龍池步二瑤
馳背負珠金絡索
象身備駕玉逍遙
衣冠俯伏傳呼去
干羽低回看舞韶
湖海布衣瞻盛事
他時田里夢天朝

杜清珙

与趙子昂集賢為壽

東觀道家蓬萊山
神人來往乎其間
銀鈎勢壓蛟龍榜
玉佩聲聞虎豹閑
秋露涵天濡綠髮
長光出海耀朱顏
金函更注長生錄
林下種菊已斑二

送趙編修

往年初記抵京師正類機雲入洛時未識鰲頭分赤管
先傳馬首控青絲瓊林舊醉家三酒金利新題處二詩
此日揚州歸去路錦衣光彩照城池

寄題周待制悠然閣

大江之東彭蠡南周家高閣與雲參秋風依枕啼青嶂
夜雨蛟龍起碧潭繞屋千藂生杞梓通簷百尺長樓栴
何時共此登臨樂拍點平川得縱談

真州賈生索賦孩兒茶

吾聞孩兒茶始來自殊方古人譯其名和以龍麝香賈
生得妙訣品製非尋常清長持遣我今我試与嘗味腴
甘且美頓洗英蕕腸惜无瑤瓊報裁詩謾誇張燦爛黃
金芽錯落明月章波浪盤蛟螭雲霞廻鳳凰好將龍鳳

解裹以玉雪裝特之獻

天子補益未可量能令齒頰生玉液却回麴蘖升明光

諸公以懷李白詩分韻送李茂遠後以酒字

索賦遂綴五言一首

樟江水達二民俗多雜揉李君專邀來號令肅巡擷遂
令万家市安集日豐阜春風有歌姬夜月无吠狗築堤
捍水災皆自將軍手至今此邦人稱誦常在口我來自
京師始得一聚首綵過日以數言論竟開司有如濟世
方乃尔困升斗孰云勞積多反使歲月久方今

天子聖賢知在左右益曹每推擇往二雜瓊玖此行看
薦進直入紆組經莫負平生心要使斯民壽且敢為贈
言裁詩侑盃酒

送李伯循歸山中

已聞盤谷最深幽便欲從君遂此遊春氣和柔朝捲素
秋風清徹夜乘舟若花舟二誰留客紅草織二獨倚樓
楊柳新條不堪折只須買酒喚離愁

和楊仲弘

老來自愛黃叔度少日空期魯仲連高卧無田二頃
曳裾誰有客三千滄江渺二浮鷗鷺白日翩二換歲年
只憶江東楊少尹劇談終夜不須眠

楊仲弘

送虞伯生赴召

幾年簪筆侍明光共取才華補衛郎祀事必稽周典籍
頌聲多假漢文章雲垂迥野鳴鞘遠月滿高城下漏長
縱獵合祛誇盛美願言作賦繼班揚

送朱澤民之京師

懷山挾海冀京師氣勢紆餘及北陸鴈度塞雲秋色遠
鵲鳴宮樹曉光逢四方英俊皆來萃一代經綸屬有為
君有長材希墨賈好將詞賦重當時

送彭萬里

平居鄉鄙係瞻听遠涉京畿江籠靈席底波濤秋稼二
枕前星斗夜夢二肯如龍劍重藏匣誰識牛刀始發劔
將相與人殊勢分祗應雙眼為君青

擬辭京師

裘衣托載道傍車人事匆二歲欲徂風雨五更雞亂叫
關河千里鴈相呼蕪菁散漫根猶美棗柘蕭條葉半枯
却上高立重回首五雲繚繞帝王都

次韻陳子仁黃河

禹功疏鑿適憂勤宇內山川自此分元氣渾淪通地脉

孤光迢迢貫大文
丹金伏土秋
萬年陰火潛淵夜欲焚
万里窮源何日遂
片帆西上破層雲

早朝

掖垣迢迢到城回
魏闕差我此日開
赤芾會延宵仗引
朱輪爭道曉鍾催
三泉忽報藏金甲
萬歲猶聞獻玉盃
樂奏象劑從此畢
小臣思見鳳凰來

錢塘懷古四首

斜界鈎陳通大道
中分魏闕對層巒
雲生殿上金炬暗
露下庭前玉井寒
江漢飛龍俄杳二
滄溟泛鷁竟漫二
中天會合寧非數
坐見蒼生奠枕安
山回禁禦入雲長
無復陳兵衛兩廂
千古金鍾埋野草
万年珠樹落秋霜
龍文不從陽入聚
烏篆終滯輶道傍
九市塵埃來袞二
一江風浪去空茫二

西湖清濁自天開
鴻鴈鳧鷖日往來
黃道星辰環太乙
紫雲宮殿擁蓬萊
能文競奏王褒頌
獻壽深頌阿母盃
九域輿圖今混一
百年耆舊自興哀

化人宮殿被層阿
棟宇高低日擁波
翠石文章題日月
宝珠光燄烛山河
空乘說法黃龍听
貝葉繡經白馬馱
誰謂一无超衆有
祗今塵土重來過

宗陽宮中秋對月

老君壇上涼如水
坐看水輪轉二更
大地山河微有影
九天風露寂无聲
蛟龍並出扶金榜
鸞鳳双飛載玉笙
未信弱流三万里
此身今夕到蓬瀛

九月

御氣排空宝扇開
金衣照日近臣來
絲絳已進千秋錄
黼座还称万壽杯
王子吹箫双鳳舞
姮娥攬雪六龍回

侍臣此日沾恩賜散作祥風遍九垓

東湖即事四首為王侯本齋賦

朝來千騎出城闌為向東湖踏早春素練抹林雲氣薄
明珠穿草露華新山花獻笑開簷暉野馬忘機戲水濱
記取當年賢太守及時為樂與斯民

夏月湖中爽氣多南風疊二卷長沙漁翁舟楫橫蘋藻
遊女衣裳翠菱荷膾切銀絲管異味脰傳金縷唱新歌
君侯用意仍深遠即此光輝豈減磨

暫停塵蓋擁輕舟此日湖山屬莫秋采二黃花登几案
離二紅樹散汀洲傾壺浮蟻杯頻竭下著鮮鱗網乍收
莫向錢塘誇往事白蘋未許擅風流

雲氣低藏十万家東湖飛雪又交加玉禾舊布仙山種
瑤樹新開帝所花但听兩岐歌瑞麥何勞八月泛靈槎

侯門自有相仍客賸賦篇車後世誇

九日別友人

客中佳節罷登高獨立淒涼感二毛紫陌泥塗秋田二
黑山風雨夜嘈二幽人後有觀魚樂壯士慚无汗馬勞
得失古今俱一律惟應痛飲讀離騷

次田師孟西曹即事韻

隱吏重來右掖初清明時節亂花舒霧迷黃閣霏二重
雨散彤庭點二疎李耳舊疾周典礼蕭何尤得漢圖書
經綸事業煩公等要使皇文日粲如

題鄧善之表伯長諸大史

詔編國史有程期正是諸郎傑直時虎士守明宮香二
雞人傳箭漏遲二窓間夜雨銷銀燭城上春雲壓彩旗
才大各稱天下選書成當繼古人為

贈賈國英郎中

挺生雄傑氣昂二服事朝家被寵光鸚鵡盃中春正好
鳳凰池上日偏長新裁樂府傳宮体舊著朝衣帶
御香忠孝兩全人所羨只今慈母在高堂

遣興二首

庭樹號蟬日已涼
寒雲橫鴈夜何長
挾書方里干明主
仗劍三年別故鄉
西北諸山連朔漠
東南眾水隔荆揚
淹留不共慙蘇子
莫遣貂裘壓雪霜
往歲猶盃意氣誓願從童子
誦詩書已荒陶令松三逕
猶守揚雄宅一區
春樹花殘收夏果
海門潮落買江魚
如今也是成吾趣
何事侯門欲曳裾

紀夢

海上垂綸已有年
閑居无事夢朝天
蒼龍觀闕東風裏

黃道星辰北斗邊
盛衰只今逢五百
前程何許隔三千
揚雄曾奏甘泉賦
應有聲名達帝前

送張國華之饒州教授

送君行李欲何如
楚國蕭條戰伐餘
西塞人烟連草莽
南江波浪入空虚
遺民罕作先王服
故府徒存博士書
往事悠悠多泯沒
好從黎老問終初

望海

海門東望路漫漫
二風颯无時縱惡
滿白霧漲天陰氣盛
滄浪涵日曉光空
豈无方士求靈藥
亦有幽人把釣竿
興俗浮沈何足道
願乘浮舶肆遐觀

題息齋竹石

行前怪石起參差
蒼竹叢深使客疑
如過瀟湘江上路
鷓鴣聲斷日斜西

寄題羅氏山莊

黃石山原風物出賤子往年嘗一遊舊行屐拓已成徑
新刈禾麻應滿疇馬銜元忘白首嘆謝安當為蒼生受
餘杭溪上明日發愁殺楊花吹客舟

題先天觀周

浩二太古石雕鏤矜差我瓊林化飛簷宇構通霄羅綺
首視三光丹青相盪摩上隣列仙居西移瑤池柯玉枝
亦受令鞭撻迴盤渦魏二女華表飛鳥不敢過玄鶴時
一來潛鱗爭无沙心亦會靈湛神光隱鳴鼉猶彼巢居
子疑睇佩女羅天風入紫京百靈莫誰何朗言渾沌後
龍馬方負河視之杳不見嘉名表山阿冥思有至理熟
視猶塵滓

○木子竹所

題蘇李江別圖

我去君留可奈何明朝烟雨隔關河當年胡婦分携處
想見中郎淚更多

過采石

独卧空山五百年喚醒除是老坡山沉香亭北花成土
采石江頭月在天遺跡不妨置校猶多情猶首狎婁娟
余生若在開元日也向長安享醉眠

○何吾山

贈葉舟趙海月五首

瓊二花兩容屏香理及良絃曲轉長海上歸來望御土
風回依約夢霓裳莫年鉄杖身差健何處銅盤月共將
幸自金丹堪點化不須秋樹說荒涼
倦遊何處不逢春猶記臨風度碧雲安囊看花同是夢

愛中有道未為貧，黑貂裘在閑隨意。黃鸝歌成莫寄入，
聞有琴材在樵爨。勞君妙斲一揮斤，
超搖万里一枯槎。脫略塵凡三朶花，自與秋風同客夢。
曾隨明月落誰家。江湖量大家，浮瓠雨霏春深多。種瓜
却得先生有新曲，如何能解理黃琴。
楊柳風烟蜃氣昏，結締花月碧蒲春。水雲別後行千里，
澹泊相遭得幾人。見說周旋惟我二，定知僵走隔塵三。
初心未證圓通悟，猶恐隨身認作真。

○劉時中

古採蓮曲

長安女兒飯月懷日，二採蓮溪水中笑。挿荷花照溪水，
韶容欲與花爭紅。溪中荷花深幾許，溪上時二聞笑語。
紅酣綠縛不見人，應在荷花更深處。歸時夜涼溪水清，

扣舷踏歌湯藥行，荷葉蓋頭花鬪鬢。溪上月明潮已平，

望夫磯

望夫山頭日欲頽，望夫山下江声哀。山頭日二風雨惡，
江上不見行人回。空山亭二幾朝莫，猶記行人去時路。
知君渡河長不歸，恨不當年逐君去。此身化石千仞磯，
石猶可懸心不移。長江水涸黃埃飛，行人應有歸來時。

對月

涼宵在前墀，佳月隨我側。此月如此心，曠朗一片白。開
樽起相娛，佳月即佳客。月如感知已，為我好顏色。此時
還欲醒，奈此明月夕。

○吳敬庭

古意四首

我志在林壑，而與世沉浮。是非復非是，此語直謬悠。所

願適其適富貴何足求有酒同醉醒商歌動清秋得意
已志辨白雲散岩幽

斜陽在遠樹微風動高荷蕭蕭二湖亭上今夕涼已多遇
此素心人清言洗煩病樽酒相與歡竟坐酣且歌揮手
謝塵世不樂復如何

夏日苦炎熱但願一夕涼及此秋氣深蟋蟀鳴近床物
情亦知時催製公子裳戶牖當綢繆歲晏饒風霜感此
發毫微終然惜流光

陰陽有代謝寒暑相推移人生百年內行樂當及時昨
日猶朱顏今日生白鬢所以遺世事飲酒不復辭寄傲
南窓下千載真吾師

新春喜晴

歲序更五日人皆悅春晴官曹喜休暇更爲成郊行水

消明水綠霧散山光明寒梅送餘香幽禽弄秋聲覓物
俱得時悠然起深情寔余佐茲邑慙負吏隱名撫字心
轉勞催科政何成願言冰曹年擊壤歌太平

偶成

微官羈此身遠投數千里觸暑涉長江晨夕不遑止殊
方寒氣早秋意亦如此歲月倏如流感嘆成坐起繭絲
將奈何終當就料理

送吳濟川

脫穎貴毛遂投筆知班生子携束書去而有千里程曉
袂江風寒衣枕霜月明觀光丈夫事惜別兒女情會當
拾青紫壯志醉平生

夏日述懷

屏跡遠置羈紛息交歎孤陋蕭然一室間圖史分左右瓶

花眩餘春如烟霽清晝坐觀羽虫化卧聞穴蟻開青山
自偃寔相對如有舊我家陵峯下溪水清可漱誤身投
塵羈三年此紆綬素餐亦知愧民瘼未能究白雲渺何
之念之令人瘦陶令歸去來深慚着鞭後

○李長源

題峽州

黃河城下水澄二送別秋風似洞庭李白形骸須放蕩
并州豪傑為凋零十年道路双蓬鬢方古乾坤一草亭
八月峭陵霜樹老傷心休折柳條青

上清宮

蒼梧雲氣赤城霞錦谷鈞天帝子家仙掌高承九霄露
霓旗遙駐五雲車昆明火劫驚人世瀛海風濤撼客槎
醉裏忽逢王子晉玉簫吹上碧桃花

○楊鵬翼

正旦有感

干戈短景去匆匆二回首南朝一夢中世事尽隨天道北
春正依舊斗杓東四时玉烛堪調燮万国車書想混同
寂寞荒山老松樹看染梅柳競春風

華清宮

四海笙歌第一家驪山宮殿倚烟霞烛龍正照三郎宴
野鹿偷齧第一花大抵天人迂致乱未知亡国不由奢
自從西蜀蒙塵後我使殘民望翠華

頽亭

懸厓高築此亭孤落日登臨酒十壺雲破九山開疊嶂
天低三楚入平蕪斷碑黃絹空塵迹遠水白鷗如登圖
對此風煙已蕭灑扁舟何必到西湖

送真善卿歸秦中

少年錦帶佩吳鉤，曾伴秦陵俠士遊。
沙苑草青春試馬，岳連雲淨晚登樓。
十年為客少青眼，一事不成空白頭。
此去何時重相見，一樽聊与故人留。

鞦韆

日轉蒼花樹影偏，謝家庭院簇神仙。
綵繩斜壁纜三玉，盃板輕承步二蓮。
弄玉未升雲漢去，綠珠先墜綺樓前。
不知小徑殘紅裏，明月何人得翠鈿。

陳白堂

春書睡起

柳影年華度鶯聲，午夢回偶然床。
置易政尔席凝埃隱几，野花落閉門山雨來。
無人見愁緒，歡伯一樽開春風。

著柳成新綠，吹桃作故紅。
衰顏与華髮，不敢怨春風。

先生

扶義風雲急，投難歲月長。
猶懷置嗣子，豈要負刘璋。
討賊吾誰遜，違天有併亡。
春秋復讎大，万古短炎光。

武侯

千載生諸葛，餘才了十丕。
百王巴蜀佐，三代渭濱師。
礼樂无只日，乾坤有閨時。
豈留文字在，不愧說兼伊。

曹操

鹿去卯金刀，當塗未敢高。
爭象猶在奔食馬，已同槽身。
後三分閨生前，百詖勞就如題墓。
上盜豹亦焉逃。

司馬懿

本祖賊為媒，聊同漢報仇。
機深螳後雀，禍深馬中牛。
夷甫母專罪，江生足遠猷。
誰開千古恨，落日淡神州。

送客

信及倦仍还詩生暮靄間塘蒲身共晚野鶴意俱閑送
客度流水見雲歸別山一声長笑遠吾亦掩柴關

登岳陽樓

扁舟小繫各欄西万里清光一柱頤湖面欲包天外去
嶠巖疑割海中來高空自瀉軒皇樂元氣長涵老杜詩
慶曆殘碑重回首此生何限退爰時力知反見左傳

皇元風雅卷之三

前集

